

## **Àṅwà'ànè Paul a mbô ñghòtê BaKOLOSI**

### *NJI'INNŪ ANWÀ'ANÈ YŪ*

A anwà'ànè yū aa a le ñṅwà'ànè Paul a mbô ñghòtê baKolosi. Ala'a Kolosi a le ntswe a mbu'u Asia. Kaa ñghotê baKolosi aa a le ṅwa'à Paul lògìnè. Paul à le nyu'u mē ṅgãṅdi'innū mbwe'esè jī mō'c le nzi ka ndi'i innū jīi ka le ṅwa'a nî n̄too yī ñsigìnè ya bòòntè. A le ntigè ṅwa'ànè anwà'ànè yū aa ntsisè ñghotè ghu.

Ñgãṅdi'innū jya i le si swonè ni mē kaa mĩtsyè mīi mī kō'c nluu aa kaa mī sī a nî n̄too yī ñsigìnè ya tswê, kaa Kristo a wa'à nî àbwarè yīi mē à tswè ni yu tsó Mu Nwī, m̄bè Ñgãnyweensè mbi aa tswê. Bi le si dī'i ni mē bē tswê nī ñka yòṅ bìnòṅsè, ñlèè bi nòṅsè ñlon miji bo mīlù'ù, ñswonè ni mē tâ bē ka ñlèè nî ñjwi jī wè jī mō'c, ñghirè tâ bì ñetè waa (2.16,17, 21-23). Ndi'i ni mē tâ bì ka mmii nî baangel (2.18), ñswonè ni mē bo le nzi innū azwī jī mō'c ñtsyatè ajàn mē n̄too yī ñsigìnè ya i swonè aà (2.4).

Nòò yīi mē Epafras à le ghèè ñswonè ajàn mē innū le ntswe a ghotè aa, Paul a ṅwa'ànè anwà'ànè yū a nswonè mē yu tsà'àtè Nwī atu bo, mē tâ Nwī à ghirè tâ bo naṅsè nzi annū n̄ṅkonè bo bì ànnū yīi mē Nwī a lòò aà (1.9,10). Kristo à ni finè Nwī (1.15), ñtswe nī mārè Nwī a kō'c nluu (1.19; 2.9), Nwī a tsyâ aa ghu nu naṅsè njoo tsim (1.16), a bē ñtsyàm̄bīi a nî ñjoò tsim, m̄boonsè i

tsìm tswa tugitè (1.17). Mìtsyè mìtsìm mi lò aa a mbo Kristo (2.3). Kristo a bə yu yïi mə a fa ntswëntì yïi mə i luu aa a mbo bə, bo baKolosi kè mē ntswe ni yu a mum Kristo (2.10), bi ɲetè waa aa a mûm Azwĩ nĩ ɲɲetè ya mə bi le ɲɲetè Yesu ghu aa, bo bo tigè aa ayoo mɔ'ɔ, nloginə aa wā noð yïi mə bi le mmurə waa ɲkì aà (2.11-14). Paul a swon mə yu nwùgè nĩ nú yi aa nyə mə tâ bo lwi'i a mum Krito, i kwe kɔ'ɔ təə (1.27-29; 2.6). Ntigè di'itè nĩ waa mə bi ka zi akòrè nizĩ yaa tâ à ku'unè nĩ ntwéntì yĩ m̄fii yïi bo tswe ni yu a mum Kristo aà (3.1-17).

Bi yatê àɲwà'ànè yû aa laà:

1. Nji'i ànnù àɲwà'ànè yû 1.1-8
2. Mərə Kristo nĩ àfà'á yi 1.9—2.19
3. Ntswéntì yĩ m̄fii a mum Krito 2.20—4.6
4. Ìnnù jii mə Paul à le nswonə a nlwĩ'isə 4.7-18

### *Atsà'àtè Paul a mbô ɲghòtê*

<sup>1</sup> Aɲwà'ànè yû a lo aa a mbo Paul yïi mə à ni ɲgàɲntoò Kristo Yesu à nĩ ɲgònɲê Nwĩ aà, bo bi a mbo ñdĩm yĩ'inè Timoti

<sup>2</sup> ɲghɛɛ ni a mbo bilĩm bi'inè bè bi Nwĩ bii mə bi fà'à ni a mbo Nwĩ nĩ n̄tì waa tsìm a mum Kristo, ntswe a ala'a Kolosi aà. Tâ Nwĩ Taà yĩ'inè à ghirə ibonɲ a nu bù ɲkì ɲghirə tâ n̄ tswe ni mbɔɔnê.

### *Annu mfâ m̄bi'ikə a mbo Nwĩ*

<sup>3</sup> Bĩ'i fa m̄bi'ikə a mbo Nwĩɲgòn Ta bi Mmà'àmbĩ yĩ'inè Yesu Kristo a ɲgòn bìnòò b̄tsìm bii bi'i tsà'àtè Nwĩ m̄bi'i ɲgaà yùu aà;

4 Bĩ'ĩ yù'ù mə ajàŋ mə àbiiintii yuu a nu Kristo Yesu a bə aa, bo bì àkòŋnè yii mə nì tswe nì yu a nu bə bì Nwĩ bitsimè aà,

5 A bə laà aa nlon mə nì zì ñka'a jii mə i tswe a aburə, bĩ'inè bē, jii mə n̄too yĩ ñsiginè ya i le ñkà'a a mbo bù ñloginè a noò yii mə nì le nyu'u ñghàà nì annù ññkonŋ aà.

6 N̄too yĩ ñsiginè ya mə i le nzi a mbo bù aa, i kwe a n̄i ìdìgə tsim fàa mbi, ñkoonə n̄i m̄ntà, tsi'ĩ tsó àjàŋ yĩ mə a k̄i n̄tswe a titii bù ñlonŋinè wa ñjwi mə nì le nyu'u ñki nzi annù ññkonŋ nlon ìbòŋ Nwĩ wa àtù yuu a laa ghu

7 a ajàŋ yii mə nì le nyəgə a mbo Epaphras ñsúka'à yĩ'ĩ bo bì ñgàŋàkòrê yĩ'ĩ a m̄m àfà'a Mmà'àmbi aà. Aa ñù yii mə a fà'à mbo Kristo n̄i n̄t̄ii yì tsim n̄i àtù yì'ĩ.

8 A ghìrè mē bĩ'ĩ zi akòŋnè yuu a m̄m Azwĩ.

9 Tsó mə a bə laà, ñloginè a ñjwi yii mə bĩ'ĩ le nyu'u aa, kaa bĩ'ĩ leè ñki'ì kentə nì a n̄tsà'àtə Nwĩ ñwa'atə n̄i ghuu ghu, m̄bu'u n̄i mbo mə tâ à lwensə ghuu nì m̄tsyè tâ nì zi annù yii mə yu lòò aa, ñtswe nì m̄tsyè m̄i Azwĩ Nwĩ tá zi innù tsim àtù yuu a laa ghu

10 tâ nì ka n̄tswe n̄tswènt̄ii yùù tâ i ku'unə a mbô Mmà'àmbi tâ à ñansə ñka ndoritə ghu, tâ ñtswènt̄ii yùù i ka ñkoonə m̄t̄à a n̄i m̄buu m̄fà'à m̄i siginè m̄tsim m̄ii mə nì fà'à aa, tâ innù jii mə nì zi m̄bi'ì ñgaa Nwĩ aa tâ i ka ñgha'atə ñghɛɛ n̄i m̄b̄ii tâ nì ka ñkwe ghu m̄mə.

11 Tā Nwĩŋgòŋ à ñansə m̄fa m̄ida'a a mbo bù tâ nì t̄ii, ñyonə a ñjim m̄t̄ii m̄i mya m̄ii m̄i tsya

mbo aa, tâ nî tswe nî àtàṅṅentii, ṅka ṅkwērø nî ìnnù jii mæ i zĩ nî a mbo bù aa nî n̄dorè.

<sup>12</sup> ṅka mfa nî m̄bi'ikə a mbo Tà yĩ mæ à ghìrø bĩ'inè ku'unè mæ mbə bĩ'inè tswé nî àbwarø a nî ṅjoo jii mæ à lèə a mbo bə bi Nwĩ bii bi tswe a m̄m ṅkà'á aà.

<sup>13</sup> A fi'isè mē yi'inè a mum àdìgè yĩ mæ m̄fi àdìgè i bu'utə aa, n̄n̄ṅ a m̄m ànnù nif̄ṅ njoṅ M̄u yĩ yĩ à kòṅə aa,

<sup>14</sup> tsi'ĩ M̄u wa yĩ mæ à lɛ ntsu'u atũ yi'inè ṅghìrø Nwĩ à li'inè ifānsənnù ji'inè aà.

<sup>15</sup> Kristo à n̄ finə Nwĩṅḡòṅ yĩ mæ kaa bi si yə aa, m̄bə mfòò àjèè a mbó ṅḡòṅ ṅjoo tsim jii mæ Nwĩṅḡòṅ à n̄ṅsə aà.

<sup>16</sup> Nlòṅ mæ bi lɛ n̄ṅsə ṅjoo tsim jii mæ i tswe a aburə bo bi jii mæ i tswe a nsyɛ aa, bo bi jii mæ bi yə, n̄ jii mæ kaa bi si kii nyə aa, n̄tsya aa ghu nũ, kě bə bə ṅḡāṅmbu'utə bə, kə b̄isa'a bi ala'a, kə ṅḡāṅəda'a, boṅ bə lɛ n̄ṅsə ṅḡòṅ ṅjoo tsim, n̄tsya aa ghu nu, ṅki n̄ṅsə aa ghu mbó.

<sup>17</sup> A n̄i yu yĩ mæ a tsyǎ mb̄ii ṅḡòṅ ṅjoo tsim, ṅkii mboonsə n̄i ṅḡòṅ ṅjoo tsimè.

<sup>18</sup> A n̄i àtu a mbó ṅḡhòtê yĩ ì n̄i ib̄iinu yĩ aà, m̄bə nlòḡinè, ṅki m̄bə mfòò àjèè, n̄tsyàmb̄ii a nyweenə n̄i n̄wo aa tǎ tswe n̄i àbwarø n̄tsyàmb̄ii a n̄i ṅḡòṅ ìnnu tsimè.

<sup>19</sup> Nlòṅ mæ Nwĩ à lɛ ndoritə a ghìrø mæ tâ m̄arè Nwĩ n̄tsim à tswe ghu nũ;

<sup>20</sup> n̄tigè n̄tsya ghu n̄im ṅghìrø mæ tâ ṅḡòṅ ṅjoo tsim ì bu n̄tswe n̄i ànnù yĩ m̄ɔ'ɔ bo bi yù Nwĩ, kə bə jii i tswe a nsyɛ, kə jii i tswe a aburə, a aṅṅ mæ à zi n̄i m̄b̄oɔnə n̄tsya a n̄im aləə nu Kristo

yii à le nsaansə a ati bàṅnè bàṅnè aà.

<sup>21</sup> A le mbə a noò mò'ò nì tswé asà'agha'a bù bì Nwĩ, mbə ṅgàṅkíbàa ji nlon ṅnù jì bì jii nì le si mòòntè ṅkii ṅghirə aà.

<sup>22</sup> Lâ tsítsòṅ à bù mē ṅghirə bú bo tswé nī ànnù yī mò'ò ntsya a n̄jīm n̄wo nī Kristo a múm n̄jyǎnu mē tá lògè ghūu i zĩ tɛ'ɛ a nsi yu tsǒ bē bii bì laa màn̄sə, kaa ṅkí'ì nī àlò'ò tswé, kè kàá ànnù yī tsu mē mbə bì firè ghūu ghū,

<sup>23</sup> tsi'i mē mbə nì ghɛɛ nī mb̄ii nī àbiintiì yuu, kaa wa'à tsìginè, òtəə ntinsə, kaa ṅkí'ì nì ghūu swũntə a nī ànnù yii mē nī bɛ, ajaṅ mē nì le nyu'u a nī òtoo yĩ òsigìnè ya yii mē bì swòṅ mē a bo bē bì tsim fàa atu nsyɛ aa, mē Paul mē bə ṅgàṅfà'á a nī òtoo mà yú aà.

### *Afà'à Paul tsi'ì tsǒ ṅgàṅfà'á ṅghòtə*

<sup>24</sup> Tsítsòṅ mē doritə a nī ṅgí'ì yà yii mē mē yə a atu bù aà. Nlon mē a nī ṅgí'ì yii mē mē yə a múm n̄jyǎnú yà aa, mē màn̄sə aa ànnù yii mē a bonə a nī ṅgí'ì yii mē Kristo à le nyə mbi'ì mb̄ii nù yĩ ya yii mē à nì ṅghotə aa.

<sup>25</sup> Mē kì mē òtigə mbə ṅgàṅfà'á a mbô ṅghòtə, n̄yonə n̄jīm àbwarə yii mē Nwĩṅgòṅ à fa a mbo mē mbi'ì ṅkwitú ghūu, mē tá mē ghirə tá bē nan̄sə nzi n̄ghàà nī Nwĩ.

<sup>26</sup> N̄ghàà ma nú nì le mbə aa ànnù yii mē a le ntswe aləəntə a ṅgu'u ṅgu'u bo bì a miwàn̄ miwàn̄, mē bì ghìrè mē a fɛ'è tsítsòṅ òlāa a mbo bē bì Nwĩ aà.

<sup>27</sup> A mbo bo Nwĩṅgòṅ à le ṅkòṅ mē yu ghìrè tá bì zi, a titiì bitizi Nwĩ, àfù'u ànnù àtsyámbo

yi yïi a tswe nî ànnũ yï àlèèntè ma yu aà. Annũ yï àlèèntè ma yú a bə mə, Kristo à tswe a múm nu bù, mbə annũ yï mə a ghìrə mə nì ka mbe nìgha'a nì Nwĩ aà.

<sup>28</sup> Bì'i swon̄ aà ànnũ ñlon̄ Kristo ma ghũ, ñwa'asə nî ñũ ñtsìm, ñdì'i nî ñũ ñtsìm nî m̀buu mìtsyè mì tsìm, mə mbə bì'i yï m̀fa a ñũ ñtsìm a ajànə mə à kwè m̀ə mum Kristo ñkɔ'ɔ ntəə aà.

<sup>29</sup> A ñghìrə ma yú, m̀ə nwugè nì nũ yà, ñgaansə nì m̀dà'á ma, m̀fi'i nì m̀tìh̄ mya mìtsìm m̀i a nan̄sə n̄n̄ nì a nu m̀ə aà.

## 2

<sup>1</sup> Mə lòc nswon̄ə a mbo bù a ajàn̄ yï mə mə fà'a nì m̀tìh̄ a ñgaa bù bo bì b̀è b̄i mə bì tswe a ala'a Laodicea bo bì b̀è b̄i m̀ɔ'ɔ b̄i mə kaa bì lèè n̄t̄'ɛ ñwa'á n̄s̄i gha yə aà.

<sup>2</sup> Mə fà'à ma mùu ajàn̄ aa mə tâ bo luu n̄i àtàn̄ənt̄i, tâ tswe n̄i àkòh̄nè yï mə a ka b̀òonsè waa, tâ bo luu n̄i àfù'ù a nan̄sə n̄z̄i ànnũ yï àlèèntè Nwĩ ya, yï à nì Kristo yumbon̄ aà.

<sup>3</sup> Kristo à laa mbə key yï mə akwà'a ñgòn̄ it̄ă mìtsyè Nwĩ tsìm, ñghìrə bì'inè z̄i nì ìnnũ Nwĩ tsìmè.

<sup>4</sup> Mə swon̄ə ma yú aa ta tâ ñũ tsù à tsuu ghuu lõ bwe'esə nì m̀ìghàà mì mbwe'esè.

<sup>5</sup> Nlon̄ mə ka mə kaa m̀ə s̄i bì'inè tswè a mb̄h̄ nu aa, m̀ə bàn̄nə n̄tswe bì'inè a múm Azwĩ, ñkii ndoritə a nyê àjàn̄ yï mə nì nan̄sə n̄tswe, n̄təə n̄t̄i a múm àb̄iint̄i yuu a nu Kristo aà.

*Ntswènt̄i yï ì lùu a mum Kristo aà*

6 Mbə yïi mə nì bïi mē Kristo Yesu a ni Mmà'àmbi aa, tâ nì ka ntswe ntswëntîi yùu a mum Kristo.

7 Nì twiŋ mîŋgâŋ muu ghu nu tâ mî tso, ñghurə ntswëntîi yùu ghu nu, ñkii ntinsə a nî àbiintîi yuu a ajàn yïi bi le ndì'ì a mbo bù aà. Tâ ntswëntîi yùu ì lùu nî ñka mfa mbi'ikə.

8 Nì yə mə tâ ñu tsù à tsuu ghuu lõ ghìrə nî ìbù'ù ntsya ni mîghàà mi mbwe'esè mi adànè dàŋè, kè mîtsyè mi ñûmîsòŋ mïi mə mi lo aa bə ni nòŋsè bə, kè a innù mbii izwï jïi sa'a mbi yù, a bə innù jïi mə kaa i sï aa a mbo Kristo lo aà.

9 Nlon mə mārè Nwï yïi mə à luu aa à tswe a múm m̀b̀i nù Yesu,

10 nì ki ntswe nî ntswëntîi yïi mə ì lùu aa, ntsya aa a ñjîm b̀ò̀ns̀ə yuu b̀i Kristo. A nî àtu a mbo b̀isa'a bi mbi bitsim a bo b̀i izwi tsim jïi mə isa'a nî mbi yù aà.

11 Bi le ñjètə yi'inè ntsya aa ghu nu, kaa a wa'ă aa ñjètə yïi mə bi ghìrə aa nì m̀bo b̀ə, à le mbə ñjètə yïi mə a le ñghìrə Kristo, ntsya a ñjîm ajàn yïi mə à fi'isə m̀idà'à mi innù jï bi jïi i tswe a n̄jyănù aa nlò'òsè aà.

12 Nòò yïi mə bi le mmurə ghuu a ñkì aa, bi le ntwiŋ ghuu b̀i Kristo; ntsya ñjîm m̀m̀urə ñkì ma yù bi le ñkì nyweensə ghuu bu b̀i Kristo, a ñjîm àbiintîi yuu a ni m̀idà'à mi Nwï yïi, mə à le nyweensə Kristo ni ǹwo aà.

13 Bù bii mə nì le ñkwo nlon ibî ghuu bo b̀i ajàn yïi kaa bi le ñwa'à ghuu ñjètə aa, Nwï à ghìrə mē nì tigè ntswe bitîi bu b̀i Kristo, ǹli'inə ifansənnù juu tsim,

14 mme'e ndi'i jya j̄i m̄ə bi l̄e ɲɲwà'ànè i kwerè yì'inè aa nlògè ɲghɛɛ mbɛɛntə a ati bàɲnè bàɲnè.

15 A Kwerè m̄idà'a mi bisa'a bi mbi bo bì m̄i ìzw̄i j̄i m̄ə bu'utə mbi yù aa, ɲghirè mb̄i n̄tsim i yə aj̄aɲ ȳi à ghà'a waa aa n̄tsya a n̄j̄m ati bàɲnè Kristo aà.

16 Tsò m̄ə a bə ma mùu aj̄aɲ aa, tâ ɲù tsuu a ghuu sa'a nlon̄ annù miji kè milù'ù, kě nlon̄ annù ikòò ȳi j̄i, kè ànnù saɲ ȳi m̄fi, kè ànnù n̄jw̄iɲgòɲ.

17 Ma juù ìnnù bə aa b̄ə àl̄iləɲ ìnnù j̄i i ka ȳi z̄i aà; lá ànnù n̄ɲkoɲ ȳi a nan̄sə n̄tswe ghu aa, a bə aa mbo Kristo.

18 N̄i tsuu bii ɲù tsù à fi'isə ghuu a ɲkàɲ n̄lon̄ m̄ə a t̄i ni m̄ə n̄i ka nsigisə ib̄iinu ghuu a n̄syɛ, ɲki mmii ni baangel, n̄swon̄ə ni m̄ə bo yə n̄i n̄j̄èè t̄ə t̄ə, ɲɲee n̄i n̄i jyaa ad̄aɲè d̄aɲè ɲyon̄ə n̄i b̄ə àmòòntə ìnnù, jyaa j̄i à ni j̄i b̄am̄iɲsòɲə aa,

19 kaa wa'à bàɲnè n̄tiɲnə n̄aa a nu Kristo ȳi m̄ə à ni atu a mb̄o m̄b̄iɲn̄ù n̄tsim, ɲjɛ'ɛ n̄i ìd̄igè n̄i tsim j̄i m̄ə i tsugisə m̄iɲgàɲê myaa ghu nu, ɲkwe ni a aj̄aɲ ȳi m̄ə Nw̄iɲgòɲ a lòò aà.

20 Mbə a bə m̄ə n̄i l̄ɛè ɲkwo bu bì Kristo, n̄tsya ìzw̄i j̄i m̄ə i bu'utə mbi yù aa, a tigè ɲghirè akə m̄ə tâ n̄i ka n̄tswe n̄tsw̄entīi yùù tsì'í tsò ȳi bà f̄aa mbi aa ε? A gh̄irè akə m̄ə n̄i ka nyu'unə bə b̄iɲòɲsə bi mbi bù aa ε?

21 “N̄i tsuu t̄swa, N̄i tsuu ywe'etə, N̄i tsuu mòòntə”

22 (N̄ghaa laa nlon̄ aa njoo j̄i m̄ə i w̄aɲsè m̄bi'i a aj̄aɲ m̄ə bi f̄à'à ni ju), yon̄ə n̄aa n̄òɲsè b̄am̄isòɲ bo bì ìnnù j̄i m̄ə bo d̄i'ì bo aa ε?



23 Ma jû ìnnù mə bə dî'ì aa i kirè tsi'í tsǒ mǎtsyè tswe ghu, i kwetè nî bə tâ bì ka ŋgha'asə Nwî nî mánjî yî òtìnsè, òkii ŋkwetə nî waa mə bì ka nsigisə nî mibì mi nû myaa a nsyε, òkii mirisə nî mibì mi nû myaa; lâ kaa annù ma yû yî tsu kaa a wa'à kwetə a ŋghìrə mə tâ bə me'e innù jii mə njanyaú jyaa i yè'è aà.

### 3

1 Tsǒ mə nì ywèènè mē nì nèwo bu bì Krito aa nì tɛ'ε mǎntii muu bə nî òjoo jii mə i tswe a aburə, wa adigə mə Krito à tswe ghu, a mbèè òkwεε Nwî nî mǎmà'è aà.

2 Nì tɛ'ε atú yuu bə a nî òjoo jii i tswe aburə, ntsee bə nì jì fàa nsyε i tɛ'ε.

3 Nlon mə nì kwò mē, òtswèntii yùu i tigè òlǎntə bo Krito a mǎm Nwî aà.

4 Nòò yii mə Krito yii à nì òtswèntii yùu laa à ka yí kì zì aa, tâ bú bo tigə nzi a mǎm ògha'è nì.

#### *Ntswèntii yî òlwèn bo òtswèntii yî mǎfi*

5 Tsǒ mə a bə ma mùu ajàn aa, nì zwitə ònnù jii mə njanyaú i yè'ètə ŋghìrə aà: Mbə ànnù ajirə, ànnù nsij, ànnù òlòò, ànnù ŋka nyè'ètə innù jì bì, ànnù ŋka nyè'ètə òjoo si'i, yii mbə tigə mbə tsǒ ànnù mmii mǎkobə aà.

6 Nwî a nanşə òlwisə ntɔŋ a nu bə òlon aa ma juù ònnù.

7 Nì lɛ si kii ŋghìrə nî ònnù ma jû wâ noò mə i lɛ ntswe a nu bú nsa'a nî ghuu aà.

8 Là tsítsòŋ nì fi'isə ònnù ma jya i tsim mme'e: Alwintɔŋ, àfiimi'i, àbì'intii, m̀bègìtə bə, bo bì mǎghàà mǎ fwè.

9 Nì tsuu ibǎŋnənnù atu bù ni bù ki swonə, nlon mə nì sòrè mē marə ghùù yí n̄lwen wa bo bì ìnnù j̄i nì lɛ s̄i ghìrə mb̄i aa mmè'è

10 mbaŋnə ntigə mma'a a marə yí m̄fi wa, ȳi mə Nwi a kwensə mə nì ka nzi yi ntigə mfinə n̄i yì, ȳi mə à ni ŋgàŋnənsə ghùù aà.

11 Tsǒ mə a bə laa, kaa kwensə kaa à ka wa'à ghu bù n̄tswe a tit̄i bit̄i Nw̄i bo bì baYuda, bə b̄i mə bi ŋetə aa, bo bì b̄i kaa bi s̄i ŋètə aa, bə b̄i bi kurə bə aa, bo bì bə b̄i bi tswe a ŋgèè aà, ìbù'ù bo bə b̄i kaa bo s̄i ìbù'ù bə aà, Kristo à tigə mbə ìnnù ts̄im ŋki n̄tswe a mum bo bits̄imè.

12 Tsǒ b̄o bi Nw̄i b̄i mə à tsò'ɔ bi laa, a k̄i ŋkɔŋ aa, n̄i t̄igə ŋwɛ'ɛ ŋko m̄l̄ŋnə, bo bì ŋgh̄r̄è ìnnù j̄i siḡinè, n̄i n̄s̄iḡisə ib̄i nu a nsyɛ, a bò'ɔ ŋka mbɔnə, n̄i àt̄aŋənt̄i, a nu bù,

13 ŋka n̄tswa m̄int̄i muu bu ni bù, mə mbə annù a ka nyanə ŋù nlon ŋù yí m̄ɔ'ɔ, n̄l'ine n̄i ìf̄ansənnù juu bu ni bù; aŋəŋə mə Mmà'àmbi à l̄i'ine ìf̄ansənnù juu aa, n̄i tswe n̄i ŋki ŋka n̄l'ine ìf̄ansənnù bə b̄i m̄ɔ'ò.

14 A n̄i ìnnù ma j̄u ts̄im, t̄a àŋkòŋnə à bə ma ànnù ȳi mə a nan̄sə mboonsə n̄i ìnnù ts̄im ŋkwerə aà.

15 T̄a m̄bɔnə Kristo ya ì ka n̄tsyasə n̄i ghuu, nlon mə Nw̄i à lɛ twonə ghuu aa mə t̄a n̄i boonsə n̄tswe n̄i m̄bɔnə a n̄i m̄b̄i nu yí m̄f̄ūr̄è. N̄i k̄i mfa n̄i m̄bi'ikə ghu mbô.

16 T̄a n̄ghàà n̄i Kristo luu a mum m̄int̄i bù n̄lwi'i, n̄i ka ndi'i ŋk̄i ndi'itə n̄i ghuu ghu bu ni bù ni m̄itsyè, ŋka nyəə ni b̄ipsalm, m̄ikòò mi ŋgha'asə Nw̄i, bo bì m̄ikòò mi Azw̄i, m̄fa n̄i

m̀bì'ikə a mbo Nwĩ a mum m̀ntii bù.

<sup>17</sup> A nĩ ìnnù tsim jii mə nĩ ghìrè aa, a nĩ nìghàà nĩ ntsù, kè ànnù tsu yĩ nĩ ghìrè aa, nĩ ka n̄ghìrè n̄gòṅ ìnnù tsim a nĩ ìkũm Mmà'àmbi Yesu, m̄fa nĩ m̀bì'ikə a mbo Nwĩṅṅòṅ Tà, n̄tsya ghu njimè.

*Ntswè yì'inè a m̀m n̄tswèntii yĩ m̄fi yà*

<sup>18</sup> B̄ṅgyè nĩ ka nyu'unə bìlòò buu a ajàn yĩ mə a ku'unə a nsi m̄i'i Mmà'àmbi aà.

<sup>19</sup> B̄lòò nĩ ka n̄kòṅ b̄ṅgyè buu, ntsee a nu bo ki tsə'ə.

<sup>20</sup> B̄o, nĩ ka nyu'unə b̄itaà buu bo bì maà buu a nĩ n̄gòṅ ìnnù tsimè, n̄lòṅ mə àa annù yĩ mə ghìrè Mmà'àmbi a doritè aà.

<sup>21</sup> B̄ità, nĩ tsuu ki ghìrè tâ m̀ntòṅ mi b̄ò buu ka nlwi, ta wa'à kà n̄ghìrè m̀t̄i myaa ka m̄bi'i.

<sup>22</sup> Ɔbù'ù nĩ ka nyu'unə b̄itaà buu nĩ ìnnù tsim, kaa wa'a ka nyu'unə aa tsi'ĩ a noò yĩ mə bi l̄i ghuu aa, bù k̄i n̄lò bə mə bè ka mbeentə nĩ ghuu aa b̄è, nĩ ka m̄fa'a nĩ n̄t̄i ghuu tsim, m̄b̄'ò aa bə Mmà'àmbi.

<sup>23</sup> A nĩ ìnnù tsim jii mə nĩ fà'à aa, nĩ ka m̄fa'a nĩ n̄t̄i ghuu tsim, n̄ka m̄fa'a ts̄o nĩ fà'à aa a mb̄o Mmà'àmbi, kaa wa'a aa bə a mbo bè fa'à,

<sup>24</sup> n̄zi nĩ mə, Mmà'àmbi à ka yĩ ts̄'ò afà'à yuu nĩ n̄joo jii mə à lèə a aburə a mbo bù aà. Wa nĩ fà'à aa a mbo Mmà'àmbi Kristo.

<sup>25</sup> A mbo bè b̄i bi ghìrè ibi aa, Nwĩ à ka yĩ ki kwi'inə ibi waa wa a mbo bo n̄lòṅ mə Nwĩ a lèntə b̄è aa nĩ m̄anj̄i yĩ à ku'unə aà.

## 4

<sup>1</sup> Bìtá bi abù'ù, nì ka nlentə ibù'ù juu ni mánjì yíi à tsínə ñkì kù'ùnə aa, nzi ni mè nì kì ntswe nì tà a aburə.

### *Paul à fâ àdì'itè*

<sup>2</sup> Nì ghεε nî mbĩĩ ñtəə ntĩnsə a múm àtsà'atə Nwí, ñka ntswe níkərè, mfa nî m̀bì'íkə.

<sup>3</sup> Nì kii ntsa'atə nî Nwí ñwa'atə nî yi'i ghu, mə tá Nwĩngòŋ à ña'a mánjì m̀fa tá bĩ'ĩ ka ñkε'εnə ntoò ya yíi ì tswe alò'òsə m̀bì'i Kristo yíi mə mè tswe atsaŋ nlon ɲgaà yĩ aà.

<sup>4</sup> Nì tsa'atə Nwí mə tá mè zi ajàn yíi mə mbə mè ghirè ì naŋsə ñlaa ni mánjì yíi mè tswe nî ghàa ghu aà.

<sup>5</sup> Nì ka nzi akòrè nizí yuu ni mánjì m̀tsyè bu bi bè bi abεε, nyə ni mə nì fà'à nì nòò ghuu siginè.

<sup>6</sup> Tá ñìghàà nì ntsú nuu tá nì ka nlii tsó bi nu'u nì fĩngwanè, tá ghìrə tá nì zi ajàn yíi mə mbə nì fâ àkwi'i ñìghàà a mbo ñù ñtsim yíi à bètə ghuu nî ànnù aà.

### *Paul à fâ àtsà'atə nlwĩ'ĩnjìm a mbô ñghòtê*

<sup>7</sup> Tychicus yíi mə à nî ñdĩm ghà yíi mə mè kòŋə aa, ñkì mbə ñù àkòrê ghà a múm àfà'à, yíi mə a fà'à a mbô Mmà'àmbi nî ñtìi yi tsim aa, à ka tigə swon ɲgòŋ ìnnu tsim m̀bì'i ɲgaà yà.

<sup>8</sup> A nî ñjì'ĩ ànnù yíi mə mè tóo yi a mbo bù aa, mə tá nì zi ajàn yíi mə ñtswé yĩ'ĩ ì bə aa, tá à kì ndiintə m̀ntìi muu.

<sup>9</sup> Mè kì ntoo Onesimus bo yu, mə a fà'à nî ñtìi yi tsim, mbə ñdĩm ghà yíi mə mè kòŋə, mə à kì

mbə ɲû nì bû ghùù àà. Bo ka tigə swoŋ ɲgòŋ ìnnù tsìm ʒii i fɛ'ɛ fàa aa a mbo bù.

<sup>10</sup> Aristarchus, ɲù àkòrê ghà a ndâtsaŋ, a tsà'atè ghuu bo Mark (yïi mə bo Barnaba ni bɔɔ nì bɔɔ aa, yïi mə nì kii nte'ɛ ɲkwɛrə adi'itè mbi'i ɲgaà yï aa, bɛɛ a zi nì kwɛrè yi siginè.)

<sup>11</sup> Yesu wa yïi mə bi tɔwɔŋə nii ni Justus a tsà'atè ghuu. Ma bú àa tsí'í bə bii mə bi tswe a titii bí'i ɲgàŋəfà'à nlon ɲnnù nifɔ Nwí bii mə bi ɲetə waa àà. Bo naŋsə ndiintə nàa tsí'í nî mbê ɲnnù.

<sup>12</sup> Epaphras, yïi à ni ɲú nìbù ghùu yí mò'ɔ aa, mbə ɲgàŋəfà'a Kristo aa, a tsà'atè ghuu. A naŋsə nto ni a múm àtsà'atè Nwí ɲgòŋ bìnòò bitsìm, nlon ɲgaà yùù, mə mbə nì naŋsə ɲkwe ɲkɔ'ɔ naŋsə ntəə, ɲki naŋsə nzi ɲnnù yïi mə Nwí a lòò aa tsìmè.

<sup>13</sup> Mə nî àyəfə mbi'i ɲgaà yï mə à naŋsə mfà'à a mbo bù ni mìtìì, bo bì bə bii bi tswe a Laodicea, ni Hieapolis.

<sup>14</sup> Lukas, docta yïi mə bí'í kɔŋə aa, ni Demas, bi tsà'atè ghuu.

<sup>15</sup> Nì fa atsà'atê ya a mbo bìlím bí'inè bii bi tswe a Laodicea, ɲki ntsa'atə Nympha bo ɲghotə ya mə i bòòntè ghu nda àà.

<sup>16</sup> Nòò yïi mə nì twòŋ mə àŋwà'ànə yú a titii bù aa, nì tsyàsə bi kî ntwɔŋə a nî ɲghòtə ya mə i tswe a Laodicea àà. Nì ki nyə mə nì twɔŋə àŋwà'ànə ya mə a lo a Laodicea àà.

<sup>17</sup> Tá nì swoŋə a mbo Archippus mə, “Yə mə ò fà'á ifà'à wa mə ò lɛ ɲkwɛrə a mbô Mmà'àmbi aa ɲghèè mmanəsə.”

18 Mè Paul mə tigə ηgwa'anə yulà àtsà'atè aa tsi'ĩ nì à yaà abô, ka ηwa'atə nî àtsaηè yâ. Tâ ìbòη Nwí ì tswè a mbo bù.

**Bafut**  
**Bafut: N̄toò Kristo yî N̄sigìnè: mìkàà yî mfiì New**  
**Testament**

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source  
files dated 26 Apr 2025

5d039b4a-c9a1-50b1-8a61-176cf48aa271